

J.U. Opća bolnica „Prim dr Abdulah Nakaš“ Sarajevo,
Adresa: Kranjčevićeva 12 Sarajevo
koju zastupa direktor Prim dr Zlatko Kravić,
Identifikacioni broj: 4200288400001
(u daljem tekstu: "Naručilac"),

i

"SARAJEVO OSIGURANJE" d.d. Sarajevo,
Adresa: Maršala Tita broj 29, Sarajevo,
koga zastupa direktor Arif Kulić
Broj rješenja: 065-0-Reg Z-19-009071
Identifikacioni broj: 4200526930001
Transakcijski račun broj: 3387302238311567
Naziv banke Dobavljača: UniCredit Banka d.d.
(u daljem tekstu: "Dobavljač")

zaključili su

U G O V O R

o nabavci usluga osiguranja radnika od povrede i smrti (kolektivno osiguranje)

PREDMET UGOVORA

Član 1.

Pružanje usluga Lot 1 - Usluge osiguranja radnika od povrede i smrti (kolektivno osiguranje), u skladu sa tenderskom dokumentacijom osiguranika broj JN-125/19 od 12.12.2019. godine i ponudom osiguravača broj 01-6170/19 od 25.12.2019. godine koje čine sastavni dio ovog ugovora.

- a. Ugovara se osiguranje od nezgode zaposlenika naručioca u svemu prema tehničkoj specifikaciji koja je prilog ovog Ugovora.
- b. Osiguranje zaposlenika od nezgode se ugovara za sve zaposlenike po kadrovskoj (personalnoj evidenciji ugovaratelja) i obuhvata pokriće sljedećih rizika i osiguranih suma po jednom zaposlenom:
 - a) Osiguranja od rizika – smrt zbog nezgode;
 - b) Osiguranje od rizika – trajnog invaliditeta;
 - c) Osiguranje od rizika – smrt zbog bolesti;
 - d) Osiguranje naknade za troškove liječenja nastalih uslijed nesretnog slučaja;
 - e) Osiguranje naknade zbog boravka u bolnici uslijed nastanka nesretnog slučaja;
- c. Pokriće po riziku trajnog invaliditeta i naknade troškova liječanje i dnevne naknade se odnose isključivo za nastanak uslijed nastupa nesretnog slučaja (nezgode) Osiguranje zaposlenika od nezgode se ugovara prema kadrovskoj evidenciji (personalna evidencija ugovaratelja).

CIJENA I NAČIN PLAĆANJA

Član 2.

- 1.1. Ukupna premija osiguranja za usluge iz člana 1. stav 1. ovog Ugovora iznosi :
27.860,40 KM (bez PDV-a) (slovima: dvadesetsedamhiljadaosamstotinašezdeset i 40/100 KM).
Ponudač nije u sistemu PDV-a.
- 1.2. Plaćanje izabranom ponuđaču će se vršiti u roku od 30 dana od dana prijema fakture za realizovani ugovor, na žiro račun ponuđača koji je dostavljen u ponudi.
- 1.3. Ponuđač se obavezuje da ukupnu godišnju premiju na osnovu police po ovom ugovoru podijeli na 12 jednakih rata, te ih mjesečno kao fakture ispostavlja ugovornom organu.
- 1.4. Ugovorni organ se obavezuje da će premiju osiguranja po svakoj izdatoj fakturi platiti u roku od 30 dana od dana zaprimanja iste od ponuđača

Član 3.

Cijene stavki (premije i jedinične cijene) predmeta nabavke ponuđene u postupku za sklapanje ovog ugovora su nepromjenjive.

Član 4.

Uslovi osiguranja, police osiguranja i ostala dokumentacija koja će biti izdata od strane Osiguravača, kao i iznos premije, moraju u svemu biti u skladu s Ponudom i ovim Ugovorom.

OBIM POKRIĆA I ŠTETE

Član 5.

Osiguravač ima obaveze da za ugovoreno osiguranje *radnika od povrede i smrti (kolektivno osiguranje)*:

- obezbijedi osiguravajuće pokriće u skladu s Ponudom, važećim zakonskim propisima, uslovima osiguranja za osigurani period i ovim Ugovorom;
- da izda police osiguranja odmah nakon zaključenja Ugovora;
- da uruči osiguraniku uslove osiguranja po rizicima koji su predmet pokrića po ovom ugovoru;
- da Osiguraniku pruža pravovremenu i efikasnu uslugu pri procjeni, likvidaciji i isplati nastalih šteta u skladu s odgovarajućim Uslovima osiguranja;
- da ukoliko utvrdi da podneseni odštetni zahtjev nije potpun i ne sadrži kompletnu dokumentaciju, pismeno obavijesti osiguranika u roku od 8 (osam) dana od dana prijema odštetnog zahtjeva;
- da Osiguraniku izvrši naknadu štete, odnosno isplatu ugovorene sume osiguranja, u roku od 14 (četrnaest) dana od dana dostavljanja kompletirane dokumentacije potrebne za odnosnu isplatu usljed nastanka osiguranog slučaja;
- ako ne isplati ugovorenu sumu osiguranja u navedenom roku, dužan je da Osiguraniku plati zakonsku zateznu kamatu od dana kašnjenja do isplate.

Član 6.

Osiguranik ima obavezu da obavijesti osiguravača o nastupanju osiguranog slučaja u roku od 3-5 radnih dana od dana saznanja.

Član 7.

Osiguravač je dužan dostaviti безусловnu bankarsku garanciju za dobro izvršenje ugovora u skladu sa odredbama tenderske dokumentacije, u iznosu od 10 % od vrijednosti ugovora u roku od 10 dana od potpisa ugovora.

Ukoliko ne dostavi garanciju u predviđenom roku ugovor će se smatrati apsolutno ništavim. U tom slučaju ugovorni organ će ponuditi zaključivanje ugovora drugorangiranom u skladu sa članom 72. Zakona o javnim nabavkama.

U slučaju dodjele ugovora, безусловna bankarska garancija za dobro izvršenje posla-ugovora u iznosu od 10 % vrijednosti ugovora će poslužiti za pokrivanje svake štete i troškova koje ugovorni organ može imati ukoliko Osiguravač prekrši ugovor o nabavci od zaključenja ugovora do roka koji je predviđen za završetak ugovora.

Pokriće iz bankarske garancije ne oslobađa Osiguravača odgovornosti sve do namirenja stvarne štete.

Povrat ili zadržavanje garancije za dobro izvršenje ugovora vršit će se u skladu sa Pravilnikom o obliku garancije za ozbiljnost ponude i izvršenje ugovora.

Naknada štete po osnovu garancije za dobro izvršenje ugovora ne oslobađa Osiguravača od namirenja potpune štete po odredbama ZOO-a ukoliko je visina štete veća od iznosa koji se može dobiti po osnovu garancije za dobro izvršenje ugovora.

RASKID UGOVORA

Član 8.

Sva obavještenja u vezi s izvršenjem odredbi ovog Ugovora treba da budu dostavljena u pisanoj formi drugoj ugovornoj strani preporučenom poštom, putem fax-a ili na drugi odgovarajući način, u suprotnom neće proizvoditi pravno dejstvo.

Svaka strana ima pravo jednostrano raskinuti ovaj Ugovor u slučaju neizvršavanja ugovorenih obaveza druge strane.

Raskid ovog Ugovora biće pravno valjan ako je sačinjen u pisanoj formi i uredno potpisan od ugovorne strane.

U slučaju raskida ugovora zbog povrede i neizvršenja ugovorenih obaveza od strane jedne ugovorne strane, druga ugovorna strana ima pravo na naknadu štete koju zbog toga trpi.

Ugovorna strana koja je skrivila raskid ugovora, dužna je da nadokandi svu štetu drugoj ugovornoj strani.

Otkaz ovog Ugovora daje se preporučanim pismom, a ugovor se može raskinuti sa otkaznim rokom od 30 dana. U slučaju raskida ugovora, ugovorne strane će izmiriti sve svoje obaveze nastale do dana raskida Ugovora.

Rok trajanja ugovora je period trajanja ugovorene police osiguranja zaposlenika od nezgode.

Član 9.

Ugovorne strane obavezuju se da će sve podatke koji se odnose na međusobno poslovanje, kao i podatke o poslovanju jedne od ugovorenih strana, čuvati kao poslovnu tajnu.

Član 10.

Ugovorne strane su u obavezi da se međusobno blagovremeno obavještavaju o promjenama u poslovanju koje mogu utjecati na ovaj ugovorni odnos i izvršavanje ugovorenih obaveza.

Član 11.

Ugovorne strane su saglasne da za sve što ovim Ugovorom nije predviđeno važe odredbe Zakona o obligacionim odnosima.

SPOROVI

Član 12.

Sve eventualne sporove koji proisteknu u vezi s primjenom, tumačenjem i realizacijom ovog Ugovora, ugovorne strane će rješavati sporazumno u skladu s dobrim poslovnim običajima, a ako to nije moguće, saglasne su da za rješavanje spora bude nadležan sud u Sarajevu.

Član 13.

Sastavni dio ovog Ugovora čine djelovi iz tenderske dokumentacije:

- 1.1. Obrazac za ponudu sa Izjavom dobavljača;
- 1.2. Obrazac za cijenu ponude – a. *Usluge osiguranja radnika od povrede i smrti (kolektivno osiguranje)*;
- 1.3. Tehničke specifikacije za osiguranja zaposlenika;
- 1.4. Izjava o prihvatanju Wordinga/formuliranja police Osiguranja zaposlenika od nezgode;

Član 14.

Ponuđač kojem je dodijeljen ugovor nema pravo da zapošljava, u svrhu izvršenja ugovora o javnoj nabavci, fizička i pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, i to najmanje šest mjeseci po zaključenju ugovora, odnosno od početka realizacije ugovora.

PERIOD TRAJANJA UGOVORA

Član 15.

Ugovor se zaključuje:

- 1.1. Lot 1 - *Usluge osiguranja radnika od povrede i smrti (kolektivno osiguranje)* na period od 12 (dvanaest) mjeseci počev od momenta potpisivanja ugovora od 00.00h (obavezni početak trajanja osiguranja).

ZAVRŠNE ODREDBE

Član 16.

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka. Ugovor stupa na snagu datumom obostranog potpisivanja.

Dobavljač:

„SARAJEVO OSIGURANJE“ d.d. Sarajevo

DIREKTOR

Arif Kulić

Broj: 01-1350/20
Sarajevo, 04.03.2020

Naručilac:

J.U. Opća bolnica

Prim dr Abdulah Nakaš

DIREKTOR

Prim. dr. Zlatko Kravić

Broj: 342-6/20
Sarajevo, 26.02.2020. godine

